

هر لسانده هر نوع آثار علمیه و ادبیه
و اجتماعیه متشکراً قبول و درج
اولونور

سنه لك آبونہ بدلی هریر ایچون (۱۲) فرانقدر

ژاپون ۽ مېڇريال ڪاغذي اوزم درينه
مطبوعات ڪ سنه ڪ آڀونه سي
(۵۰) فراق قدر .

ADRESSE : آدرس

IDJTIHAD
Roseraie, 2, Genève.

تلفون نومروسی : ۴۷۳۲

ژاپون کاغدی اوزمیرینه مطبوع اولمایانلرک
نسخه سی (۱) فرانقدر .

برنجی سنہ

آیدہ بر دفعہ نشر اولو نور، سرہست، مجموعہ عثمانیہ واسلامیہ در

معارف سز ، صنایع سز بقای جمعیت ممکن دکل . بونی
آئی بیلمه لی . بو مصائب عظیمه نك مسئولی ، بو حقیقی
بیادیکلری حالده ینه بر شوکت پکروزه ایچون طریق
سقیم استبداده دوام ایدن حکمداران اسلام و بو
جباریه معین اولان ارباب دنائت در .

(زمان زمان ترقی ، جهان جهان علوم)
(اولورمی جهل ایله قابل بقای جمعیات !)

ع . ج .



روسیا و ژاپونیا محاربه سی

ایکی آیدن بری محاربه وقوعاتنك اَك روحیسی روس -
لرک لاینتقطع رجعت قهقریه سی در .
قوروپاتکین جه (موقدهن) ده ، ژاپونلره صوگ
ضربه مهلکینی اورماق بر امر قطعی ایدی :

و کم من فتی میسی و یصبح آماناً
و قد نسجت اکفانه و هو لایدری !

ژاپون اوردوسنك قوماندان عمومیس مشیر (اوایما)
نك پک یامان اولان مهارت عسکریه سی ، قوروپاتکینك
امید و آمانی بر هوا ایتدی . غالبیت قطعی منتظره یرنده
روس اوردوسنك هزیمت کلیه سی دیکلیدی .

مروجی در . آلمانیا ایچون بو مسلک یکی دکل در دیدك :
بو بونك فره ده ریک پروسپا قرالی ایکن مصطفای ثالث ده
تورکیانك پادشاهی ایدی . بونك فره ده ریک غلبات
متوالیه سی ایشیدن بزم منلا مصطفی ، برکون ، (عجایب ،
بو حریف ناصل اولیورده هیچ مغلوب اولمایاراق متصل
غالب کلیور ؟) دیر . اطرافنده بولونان لردن بری همان :
(شوکت ایم اونك اوزده رونده بر طلسم بولونوب دور بو
طلسم بر کیمنه ده بولونورسه همیشه اعدایه غالب کلور)
جوابی ویریر : بونك اوزده رینه سلطان مصطفی در حال
فره ده ریه بر ایلاچی کونده ریر بو طلسمی ایسته تیر .
فره ده ریه ایلاچی نك طاب ابلهانه سنه کوله رك : (دولو
خزیننه ، معلم عسکر — Voller Schatz Geübtes Heer)
دیر . شو کوچوک منقبه شایان دقت و عبرت در . بزم
عبدالحمیدك طلسم مظفرتی ایسه بوش بیت المال ، بوش
قفا ، ایپ دن قوشاق طاشیر سفیل و سرکردان بر
خلق ، غایت سمیز و مرّقه لایعد جواسیس در !
آلمانیانك مداخله سی نه اولورسه اولسون مراکش
حکومت اسلامیه سی آرتیق استقلال و موجودیتنه
الوداعی چکمش در . آلمانیا ایمراطوری فاس سلطان
ایله تورکیا سلطانك اتحادی فکرینی ایله ری سوردیکی ده
سویله یورلر . فقط تورکیا حکومتده ذره قادار
اندیشه سلامت قالمشه آلمانیانك عرض ایتدیکي خلوصه
قایلماماسی لازم کلیر . آلمان دوستلغنی کرید مسئله سنده
کوردك . بو دوستلق آلمانیانك سیرجی قالماسندن
باشقا بر شیده کوروله دی . حکومت مستقله اسلامیه
دینیه بیله جک (تورکیا) ، (افغانستان) ، (ایران)
قالدی . باری بونلر مراکش فلاکتندن مستفید اولسولر ،
درس عبرت آلسولر . جهالت ایله ، استبداد ایله ،

روسیایه یدی یوز میلیون روبله یه مال اولدی . چار حالا عقد مصالحه ایتیه تنزل ایتیه یور ، یکیدن قیرق بیک کیشیلک بر اوردو تشکیل ایله مانچورییه اعزام هواسنده کریور .

روسیاده ، زورله بیچاره کویلورلی طوپلایور ، واغونلره طیقوب مانچورییه سوق ایدیورلر . قادیلر چوجوقلری ایله برابر (تره) ک اوکنه کنیدیلرینی آتیورلر فقط ظالم حکومت بو معصوم بد بختلرک وجودلرینی ، شومه ندو فیره چیکنه تهرک حرص و هواسنه دوام ایدیور . چار محاربه یی دوام ایتدیرمک ایسته یور . چونکه اوراده ک اوزاق اقباسندن بیله بر تک کیشی یوق . قاریسیله چوجوقلریله دبدبسیله پتره سبورغده مشغول عیش و نوش !

زواللی روس اوردوسنک سفالت مدهشه سی عموم مخابرلر ، « غیر قابل تصویر » کله لریله تصویر ایدیورلر . باقک بر غزته مخبری نه دیور :

« خارینک اوکی بر منظره جهنم کوسته ریور ، یاره لی ضابطلر ، نفرلر ، جنازه لار ، محضرلر هپ بر برینک اوزهرینه ییغلمش ؛ بیچاره لرک آه و آنینلری طاشلری آغلالتاجی قادار جان خدراش . بر یوتوم صو ! بر یوتوم صو ! دیه بلا فائده ، فریاد ایدیورلر ! آتش حملرینی بر آز تسکین اتمک ایچون بر یوتوم صو ویره جک بر دست اعانکار یوق . واغونلر ، آربه لر هپ سفیل و مردار خسته خانه لره تحویل اولونمش که بونلرک عددی (۷۰۰) ه بالغ اولور . طیب یوق . جراح یوق . تیمار اشیا و ادواتی یوق . بو محشر فایع دن او درجه متعفن بر قوقو انتشار ایدیوردی که آز داها بایلیوردم . میدان حربده صورت ارتجالیله ده

موقدهن هزیمتی بعدما وقوعات مهمه تاریخیه دن معدود اولاجاق .

ایشته روسلرک دفتر ضایعاتی :

مقتول	۹۰ ۰۰۰
أسیر	۶۰ ۰۰۰
سندجاق	۲
توفنک	۶۰ ۰۰۰
طوب	۷۰
واغون	۱۵۰
مهمات حربیه آربه سی	۱۰۰۰
کولله	۲۰۰ ۰۰۰
حبوبات	۱۵۰ ۰۰۰ (قو کو)
بیکیر	۲۰۰۰
اوت	۵۵۰ ۰۰۰ (قو کو)
شومه ندو فیر مواد انشائیهمی	۴۵۰۰۰
فشنک	۲۵۰ ۰۰۰ ۰۰۰

بونلردن باشقا ، ژاپونیلر روسلردن پک چوق چادیر ، تلغراف تلی ، اوکوز و سائر اشیا ولوازم حربیه آلمشلردر . بو حساب مشیر [اوایما] نک ۱۲ مارت تاریخی راپورندن مستخرجدر . شیمدییه قادار ، [موقدهن] هزیمتی (تیه لینک) رجعتی تعقیب اتمش اولدیغندن روسلرک ضایعاتی بویومشدر . ژاپونلرک نفوسجه ضایعاتی نسبة آز اولدی .

قوروپاتکین استعفا سی ویرمشدی . نازلی جه نه رالک هاز ، استعفا سی قبول اولوندی ، (پتره سبورغ) ه متوجها حرکت ایتدی . یرینه جه نه رال (اینیه ویچ) تعیین اولوندی . قوماندان تبدیلندن نه چیقار ؟ ایش (سیسته م) ک دیکشیر یلمه سنده در . بو متوالی هزیمت لر

روسیانك هر طرفنده قیام و اغتشاش آلآن بر دوام در .
(باطوم) ده ، (باکو) ده حکومت، مسلمانارله ارمنی
وطن داشلارینی بریرینه بوغازلاندی . شایان ممنونیت درکه
كوزارینی چاپوق آچدیله ناصل، بر خدعه جانیانهك
قربانی اولدوقلرینی و دشمن عمومیك كهیم اولدوغنی
آكلادیلر بریرلرینی قوجاقلایوب باریشدی لر . (باکو)
مفتیسی و شیخ الاسلامی حقیقی مسلمانجه بر حرکت ده
بولوندی لر . مفتی :

جمله من برونك اولادی یز، جمله من بر اللهك قوللری یز .
جمله منك دشمنمنز تمثال جهنم اولان ابلیس لعین در !
ارمنی لرك متره پولیدلری ده بو یول ده فقط داها واضح
داها شدید بر نطق ایراد ایتدی . هر ایکی طرفك
خطابتی بك حسن تأثیر حاصل ایتدی . حكومتك
آلت جنابتی اولدوقلرینی آكلادی لر .

اون سنه اول عبدالحمید ده جاهل خلقمزه ارمنی
وطن داشلار منی كسیدیرمشدی . بونلر عصرلردن بری
قارداشجه برابر كچیندیكمز بو وطن داشلرك ،
اصلاحات ایستیهن هر وطن داش ایچون روا كورولدیکی
وجهله ، قانریله آناطولی قیزیله بویانمشدی .

مجلس مبعوثانك تأسیس و كشادی حقنده کی پروژیه
چاره امضا ایتدیرنجیه قادار وكلا دهویه خندك آتلاق
قیلندن بیک دورلو مشكلات و تعلل كوردی . پروژیه
امضالاتاق ایچون وكلا ، چاره رجاده فقط بك قوتلی
رجاده بولوندقدن صوكرا صوك هزیمتی اولماق اوزره :
« یکی اما امضالاتاق ایچون بوراده حاضر قلم و مرکب
یوق ! » دیمك کیکی بر تعلل طغفلانده بولونمایه قادار
ایله ری کیتدی . او زمان وكلادن یریمی یرندن فیرلادی

یایلمش پانسلمانلر كونلردن بری دكیشدیریلیمه مش .
(دانته) بویه مدھش سخنلری تخیل دن عاجز قالیردی .
دیكر طرفدن ، ترنار . یکی مجروح لره لبالب دولو
اولاراق ورود ایتكده . منظرهك دهشتی دهشت
كله سی بك قوت سز بر اقیور .

قوروپاتكینك ، موقدن هزیمتدن بر قاچ كون اول
(په تره سبورغ) ارکان حربیه دائره سندن ، تلغراف ایله
رومان كتابلری ایستهدیکی په تره سبورغ ده اوج
چوجوغی ایله بر زوجه سی بولونان دیكر بر روس
جهنرالك ، موقدن ده صلیب احمر خدمه سندن بر كنچ
قیزله اولمك اوزره په تره سبورغ ده کی قاریسی تطبیق
ایچون وقت بولدیغی آوروپا لسان مطبوعاتنده دوران
ایتمكده در . بر اوردونك طالعی بویه حریف لره نودیغ
اونونورسه عاقبت لری بویه اولماق طبعی در .

سفر بر حالنده بولونان بویوك قوماندانلرك قرائت و
مطالعه ایله ده مشغول اولدوقلری كورولمه مش دكل در .
مشهور اسکندر کبیر (هومر) ك «ایلیاده» سنی
کیجه لری یوز یاصدیغك اوزره ندن آیرمازدی . فرانسر
جهنراللرندن (آلیکس) ، (آلفیه ری) ك [استبداد]
عنوانلی اثرینی دلائل الخیرات کیکی یاننده طاشیردی ،
اوقوردی . فقط تلغرافله (پول دو قوق) رومانلری
ایستیهن بر سر دارای آنجاق چار ایله سلطان كشف
و انتخاب ایده بیلیر .

كله لم ، روسیانك احوال داخلیه سنه :

فرقه حره او قادار عزم و جزم كوستردی كه چار ملت
وكیل لرینی تعیین و جمع و بونا دائر بر بیاننامه نشر
ایتمیه مجبور اولدی . فقط مزیت لری تاجلی اولماق دن
عبارت بویه متغلب لرك سوزلرینه اعتماد جائز اولمادیغندن